

॥ कूष्माण्ड-होम-मन्त्रः ॥

यद्देवा देवहेळनं देवासश्चकृमा वयम्। आदित्यास्तस्मान्मा मुञ्चतर्तस्यर्तेन मामित्
स्वाहा॥१॥

(देवेभ्य आदित्येभ्य इदं न मम)

देवा जीवनकाम्या यद्वाचाऽनृतमूदिम। तस्मान्न इह मुञ्चत विश्वे देवाः सजोषसः स्वाहा॥२॥
(विश्वेभ्यो देवेभ्य इदं न मम)

ऋतेन द्यावापृथिवी ऋतेन त्वं सरस्वति। कृतान्नः पाह्येनसो यत्किं चानृतमूदिम
स्वाहा॥३॥

(द्यावापृथिवीभ्यां सरस्वत्या इदं न मम)

इन्द्राग्नी मित्रावरुणौ सोमो धाता बृहस्पतिः। ते नो मुञ्चन्त्वेनसो यदन्यकृतमारिम
स्वाहा॥४॥

(इन्द्राग्निभ्यां मित्रावरुणाभ्यां सोमाय धात्रे बृहस्पतय इदं न मम)

सजातशंसादुत जामिशंसाज्यायंसः शंसादुत वा कनीयसः। अनाधृष्टं देवकृतं
यदेनस्तस्मात् त्वमस्माज्जातवेदो मुमुग्धि स्वाहा॥५॥

(अग्नये जातवेदस इदं न मम)

यद्वाचा यन्मनसा बाहुभ्यामूरुभ्यामष्टीवद्वा शिश्रैर्यदनृतं चकृमा वयम्। अग्निर्मा
तस्मादेनसो गार्हपत्यः प्रमुञ्चतु चकृम यानि दुष्कृता स्वाहा॥६॥

(अग्नये गार्हपत्याय इदं न मम)

येन त्रितो अर्णवान्निर्बभूव येन सूर्यं तमसो निर्मुमोच। येनेन्द्रो विश्वा अजंहादरांतीस्तेनाहं
ज्योतिषा ज्योतिरानशान आक्षि स्वाहा॥७॥

(अग्नये ज्योतिष इदं न मम)

यत्कुसीदमप्रतीत्तं मयेह येन यमस्य निधिना चरामि। एतत्तदग्रे अनृणो भवामि जीवन्नेव
प्रति तत्ते दधामि स्वाहा॥८॥

(अग्नय इदं न मम)

यन्मयि॑ मा॒ता गर्भे॑ स॒ति। ए॒नश्च॑का॒र यत्पि॑ता। अ॒ग्निर्मा॑ तस्मा॒दे॒न॒सः। गा॒र्ह॒पत्यः॑ प्र मु॑ञ्चतु।
दु॒रि॒ता या॒नि च॑कृ॒म। क॒रोतु॑ मा॒म॒ने॒न॒स॒ꣳ स्वाहा॑॥९॥

(अग्नये गार्हपत्याय इदं न मम)

यदा॑ पि॒पेष॑ मा॒तरं॑ पि॒तरम्। पु॒त्रः प्र॑मु॒दितो॑ ध॒यन्। अहि॑सि॒तौ पि॒तरौ॑ मया॒ तत्। तद॑ग्रे
अ॒नृ॒णो भ॑वामि॒ स्वाहा॑॥१०॥

(अग्नय इदं न मम)

यद॑न्त॒रि॒क्षं पृ॒थि॒वीमु॒त द्यां॑ यन्मा॒तरं॑ पि॒तरं॑ वा जिहि॑सि॒म॥ अ॒ग्निर्मा॑ तस्मा॒दे॒न॒सः।
गा॒र्ह॒पत्यः॑ प्र मु॑ञ्चतु। दु॒रि॒ता या॒नि च॑कृ॒म। क॒रोतु॑ मा॒म॒ने॒न॒स॒ꣳ स्वाहा॑॥११॥

(अग्नये गार्हपत्याय इदं न मम)

यदा॑शसा॑ नि॒शसा॑ यत्प॒राशसा॑॥ यदे॒नश्च॑कृ॒मा नू॒त॒नं॑ यत्पु॑रा॒णम्। अ॒ग्निर्मा॑ तस्मा॒दे॒न॒सः।
गा॒र्ह॒पत्यः॑ प्र मु॑ञ्चतु। दु॒रि॒ता या॒नि च॑कृ॒म। क॒रोतु॑ मा॒म॒ने॒न॒स॒ꣳ स्वाहा॑॥१२॥

(अग्नये गार्हपत्याय इदं न मम)

अति॑ क्रा॒मामि॑ दु॒रि॒तं यदे॑नः। जहा॑मि रि॒प्रं प॑र॒मे स॒ध॒स्थे। यत्र॑ यन्ति॑ सु॒कृ॒तो नापि॑ दु॒ष्कृ॒तः।
तमा॑ रो॒हामि॑ सु॒कृ॒तां नु॑ लो॒कꣳ स्वाहा॑॥१३॥

(अग्नय इदं न मम)

त्रि॒ते दे॒वा अ॑मृ॒जतै॑तदे॒नः। त्रि॒त ए॒तन्म॑नु॒ष्येषु॑ मा॒मृ॒जे। ततो॑ मा॒ यदि॑ किञ्चि॑दान॒शे। अ॒ग्निर्मा॑
तस्मा॒दे॒न॒सः। गा॒र्ह॒पत्यः॑ प्र मु॑ञ्चतु। दु॒रि॒ता या॒नि च॑कृ॒म। क॒रोतु॑ मा॒म॒ने॒न॒स॒ꣳ स्वाहा॑॥१४॥

(अग्नये गार्हपत्याय इदं न मम)

दि॒वि जा॒ता अ॒प्सु जा॒ताः। या जा॒ता ओष॑धी॒भ्यः। अथो॑ या अ॒ग्नि॒जा आपः॑। ता नः॑
शु॒न्धन्तु॑ शु॒न्ध॒नीः स्वाहा॑॥१५॥

(अद्भ्यः शुन्धनीभ्य इदं न मम)

यदा॑पो न॒क्तं दु॒रि॒तं च॑रा॒म। यद्वा॑ दि॒वा नू॒त॒नं॑ यत्पु॑रा॒णम्। हि॒र॒ण्यव॑र्णास्त॒त् उत्पु॑नीत नः॒
स्वाहा॑॥१६॥

(अद्भ्यो हिर्ण्यवर्णाभ्य इदं न मम)

इ॒मं मे॑ वरु॒ण श्रु॒धी ह॑व॒म॒द्या च॑ मृ॒ळया॑। त्वा॒म॒व॒स्युरा॑च॒के स्वाहा॑॥१७॥

(वरुणाय इदं न मम)

तत्त्वां यामि ब्रह्मणा वन्दमानस्तदाऽऽशांस्ते यजमानो हविर्भिः। अहेळमानो वरुणेह
बोद्धुरुशंस मा न आयुः प्रमौषीः स्वाहा॥१८॥

(वरुणाय इदं न मम)

त्वं नो अग्रे वरुणस्य विद्वान्देवस्य हेळोऽवं यासिसीष्टाः। यजिष्ठो वह्नितमः शोशुचानो
विश्वा द्वेषांसि प्र मुमुग्ध्यस्मत्स्वाहा॥१९॥

(अग्नीवरुणाभ्याम् इदं न मम)

स त्वं नो अग्रेऽवमो भवोती नेदिष्ठो अस्या उपसो व्युष्टौ। अव यक्ष्व नो वरुणं रराणो
वीहि मृळीकं सुहवो न एधि स्वाहा॥२०॥

(अग्नीवरुणाभ्याम् इदं न मम)

प्र ण आयूषि तारिषत्। त्वमग्रे अयासि। अया सन्मनसा हितः। अया सन् हव्यमूहिषे।
अया नो धेहि भेषजं स्वाहा॥२१॥

(अग्नये अयस इदं न मम)

यददीव्यनृणमहं बभूवादिथ्सन्वा सञ्जगर जनैभ्यः। अग्निर्मा तस्मादिन्द्रश्च संविदानो
प्रमुञ्चतां स्वाहा॥२२॥

(इन्द्राग्निभ्याम् इदं न मम)

यद्वस्ताभ्यां चक्र किल्बिषाण्यक्षाणां वयमुपजिघ्रमानः। उग्रं पश्या च राष्ट्रभृच्च
तान्यपसरसावनुदत्तामृणानि स्वाहा॥२३॥

(उग्रं-पश्य-राष्ट्रभृद्भ्याम् अप्सरोभ्याम् इदं न मम)

उग्रं पश्ये राष्ट्रभृत्किल्बिषाणि यदक्षवृत्तमनुदत्तमेतत्। नेत्रं ऋणानृणव इथ्समानो यमस्य
लोके अधिरञ्जुराय स्वाहा॥२४॥

(उग्रं-पश्या राष्ट्रभृद्भ्याम् अप्सरोभ्याम् इदं न मम)

अवं ते हेडो वरुण नमोभिरवं यज्ञेभिरीमहे हविर्भिः। क्षयन्नस्मभ्यमसुर प्रचेतो राजन्नेनांसि
शिश्नयः कृतानि स्वाहा॥२५॥

(वरुणाय इदं न मम)

उदुत्तमं वरुण पाशमस्मदवाधुमं वि मध्यमं श्रंथाय। अथा वयमादित्य व्रते तवानांगसो
अदितये स्याम स्वाहा॥२६॥

(वरुणाय इदं न मम)

इमं मे वरुण श्रुधी हवमद्या च मृळय। त्वामवस्युराचके स्वाहा॥२७॥

(वरुणाय इदं न मम)

तत्त्वां यामि ब्रह्मणा वन्दमानस्तदाऽऽशास्ते यजमानो हविर्भिः। अहेळमानो वरुणेह
बोद्ध्युरुशंस मा न आयुः प्रमोषीः स्वाहा॥२८॥

(वरुणाय इदं न मम)

त्वं नो अग्रे वरुणस्य विद्वान्देवस्य हेळोऽवं यासिसीष्टाः। यजिष्ठो वह्नितमः शोशुचानो
विश्वा द्वेषांसि प्र मुमुग्ध्यस्मत्स्वाहा॥२९॥

(अग्नीवरुणाभ्याम् इदं न मम)

स त्वं नो अग्रेऽवमो भवोती नेदिष्ठो अस्या उपसो व्युष्टौ। अव यक्ष्व नो वरुणं रराणो
वीहि मृळीकं सुहवो न एधि स्वाहा॥३०॥

(अग्नीवरुणाभ्याम् इदं न मम)

सङ्कुसुको विकुसुको निर्ऋथो यश्च निस्वन्ः। तेऽ(१)स्मद्यक्षमनांगसो दूरादूरमचीचतः
स्वाहा॥३१॥

(सङ्कुसुक विकुसुक निर्ऋथ निस्वनेभ्य इदं न मम)

निर्यक्षमचीचते कृत्यां निर्ऋतिं च। तेन योऽ(१)स्मत्समृच्छाते तमस्मै प्रसुवामसि
स्वाहा॥३२॥

(निर्ऋत्या इदं न मम) [अप उपस्पृश्य]

दुःशंसानुशंसाभ्यां घणेनानुघणेन च। तेनान्योऽ(१)स्मत्समृच्छाते तमस्मै प्रसुवामसि
स्वाहा॥३३॥

(दुःशंसानुशंस-घणेनानुघणेभ्य इदं न मम)

सं वर्चसा॑ पयसा॑ सन्तनूभि॑रगन्महि॑ मनसा॑ स॒ शिवेन॑। त्वष्टा॑ नो अत्र॑ विदधातु॑
रायोऽनु॑मार्ष्टु तन्वो(१) यद्विलि॑ष्टुः स्वाहा॑॥३४॥

(त्वष्ट इदं न मम)

आयु॑ष्टे विश्वतो॑ दध॒दयम॑ग्निर्वरे॑ण्यः। पुन॑स्ते प्रा॒ण आया॑ति॒ परा॒यक्ष्मः॑ सुवामि ते
स्वाहा॑॥३५॥

(वरेण्यायाग्नय इदं न मम)

आयु॑र्दा अ॒ग्ने ह॒विषो॑ जुषा॒णो घृत॑प्रतीको घृतयो॑निरेधि। घृतं पी॒त्वा मधु॑ चारु॒ गव्यं॑ पि॒तेव॑
पुत्र॑म॒भिर॑क्षतादि॒मः स्वाहा॑॥३६॥

(आयुर्दे अग्नय इदं न मम)

इ॒मम॑ग्र आयु॑षे वर्च॑से कृधि ति॒ग्ममो॒जो वरु॑ण स॒ शिशा॑धि। मा॒तेवा॑स्मा अदि॒ते शर्म॑
यच्छु॒ विश्वे॑ देवा॒ जर॑दष्टि॒र्यथाऽसु॑त्स्वाहा॑॥३७॥

(अग्निरुणादिति-विश्वेभ्यो देवेभ्य इदं न मम)

अ॒ग्र आयू॑षि पवस॒ आ सु॒वोर्ज॑मिषं च नः। आ॒रे बा॑धस्व दु॒च्छुना॑ः स्वाहा॑॥३८॥

(अग्नये पवमानाय इदं न मम)

अ॒ग्ने पव॑स्व स्वपा॑ अ॒स्मे वर्चः॑ सु॒वीर्य॑म्। दध॑द्र॒यिं मयि॑ पोष॑ः स्वाहा॑॥३९॥

(अग्नये पवमानाय इदं न मम)

अ॒ग्निर्ऋ॑षिः पव॑मानः पा॒ञ्चज॑न्यः पु॒रोहि॑तः। तमी॑महे महा॒गय॑ः स्वाहा॑॥४०॥

(पाञ्चजन्याय अग्नय इदं न मम)

अ॒ग्ने जा॒तान्प्र॑णु॒दा नः स॒पत्नान्प्र॑त्यजा॒ताज्ञा॑तवेदो नुदस्व। अ॒स्मे दी॑दिहि सु॒मना॑
अहे॑ळ॒च्छर्म॑न्ते स्याम त्रि॒वरू॑थ उ॒द्धौ स्वाहा॑॥४१॥

(अग्नये जातवेदस इदं न मम)

सह॑सा जा॒तान्प्र॑णु॒दा नः स॒पत्नान्प्र॑त्यजा॒ताज्ञा॑तवेदो नुदस्व। अधि॑ नो ब्रूहि सु॒मन॑स्यमा॒नो
वय॑ः स्या॒म प्र॑णु॒दा नः स॒पत्नान्॑त्स्वाहा॑॥४२॥

(अग्नये जातवेदस इदं न मम)

अग्ने॒ यो नो॑ऽभितो॒ जनो॒ वृको॒ वारो॒ जिघा॑स॒ति। ता॑स्त्वं वृ॒त्रहं॑ जहि॒ वस्व॑स्मभ्य॒माभ॑र॒
स्वाहा॑॥४३॥

(अग्नय इदं न मम)

अग्ने॒ यो नो॑ऽभिदास॒ति समा॒नो यश्च॒ निष्ठाः॑। तं व॒यः स॒मिधं॑ कृ॒त्वा तुभ्य॑म॒ग्नेऽपि॑ दध्मसि॒
स्वाहा॑॥४४॥

(अग्नय इदं न मम)

यो नः॑ शपा॒दश॑पतो॒ यश्च॑ नः॒ शप॑तः॒ शपा॑त्। उ॒षाश्च॒ तस्मै॑ नि॒मृक् सर्वं॑ पा॒पः समू॑हता॒ऽ
स्वाहा॑॥४५॥

(उषो निमृग्भ्याम् इदं न मम)

यो नः॑ स॒पत्नो॒ यो र॒णो म॒र्तोऽभि॑दास॒ति देवाः॑। इ॒ध्मस्ये॑व प्र॒क्षाय॑तो॒ मा तस्यो॑च्छे॒षि किं॑
च॒न स्वाहा॑॥४६॥

(अग्नय इदं न मम)

यो मां द्वेष्टि॑ जा॒तवे॑दो॒ यं चा॒हं द्वेष्मि॒ यश्च॒ माम्। सर्वा॑ऽस्ता॒नग्ने॒ सन्द॑ह॒ याश्चा॒हं द्वेष्मि॒
ये च॒ माऽस्वाहा॑॥४७॥

(अग्नय इदं न मम)

यो अ॒स्मभ्य॑मराती॒याद्यश्च॑ नो॒ द्वेष॑ते॒ जनः॑। नि॒न्दाद्यो॒ अस्मान्दि॑प्सा॒च्च सर्वा॑ऽस्ता॒न्मष्म॑षा
कुरु॒ स्वाहा॑॥४८॥

(अग्नय इदं न मम)

स॒शितं॑ मे॒ ब्रह्म॒ स॒शितं॑ वी॒र्या(१)म्बल॑म्। स॒शितं॑ क्ष॒त्रं मे॑ जि॒ष्णु यस्या॒हमस्मि॑ पुरोहि॒तः
स्वाहा॑॥४९॥

(ब्रह्मण इदं न मम)

उदै॑षां बा॒हू अ॑तिर॒मुद्व॑र्चो॒ अथो॒ बल॑म्। क्षि॒णोमि॒ ब्रह्म॑णा॒ऽमित्रा॑नु॒न्नयामि॒ स्वा(१)म् अ॒हऽ
स्वाहा॑॥५०॥

(अग्नय इदं न मम)

पुन॑र्मनः॒ पुन॑रायु॒र्म आगा॑त्पुन॒श्चक्षुः॒ पुनः॒ श्रोत्रं॑ म॒ आगा॑त्पुनः॒ प्राणः॒ पुन॑राकू॒तं म॒

आगात्पुनश्चित्तं पुनरार्थीतं म आगात्। वैश्वानरो मेऽदब्धस्तनूपा अवबाधतां दुरितानि
विश्वा स्वाहा॥५१॥

(अग्नये वैश्वानराय इदं न मम)

॥ बोधायन-मतानुसारेण अष्टौ होममन्त्राः ॥

सि॒हे व्याघ्र उ॒त या पृ॒दा॒कौ। त्विषि॑र॒ग्नौ ब्रा॑ह्म॒णे सूर्ये॑ या। इन्द्रं॑ या दे॒वी सु॒भगा॑ ज॒जान॑।
सा न॒ आग॑न्वर्चसा संविदा॒ना स्वाहा॑॥१॥

(त्विष्यै देव्या इदं न मम)

या रा॑ज॒न्ये दु॒न्दुभा॑वाय॒तायाम्। अश्व॑स्य॒ क्रन्द्ये॑ पुरु॒षस्य॑ मा॒यौ। इन्द्रं॑ या दे॒वी सु॒भगा॑
ज॒जान॑। सा न॒ आग॑न्वर्चसा संविदा॒ना स्वाहा॑॥२॥

(त्विष्यै देव्या इदं न मम)

या ह॒स्तिनि॑ द्वी॒पिनि॑ या हि॒रण्ये। त्विषि॑रश्वेषु॒ पुरु॑षेषु॒ गोषु॑॥१६॥ इन्द्रं॑ या दे॒वी सु॒भगा॑
ज॒जान॑। सा न॒ आग॑न्वर्चसा संविदा॒ना स्वाहा॑॥३॥

(त्विष्यै देव्या इदं न मम)

रथे॑ अ॒क्षेपु॑ वृष॒भस्य॑ वा॒जे। वाते॑ पर्ज॒न्ये वरु॑णस्य॒ शुष्मे॑। इन्द्रं॑ या दे॒वी सु॒भगा॑ ज॒जान॑।
सा न॒ आग॑न्वर्चसा संविदा॒ना स्वाहा॑॥४॥

(त्विष्यै देव्या इदं न मम)

अ॒ग्ने॑ऽभ्यावर्ति॒न्भि न॒ आ वर्त॑स्वायु॒षा वर्च॑सा स॒न्या मे॒धया॑ प्र॒जया॑ धने॒न स्वाहा॑॥५॥

(अग्नये अभ्यावर्तिन इदं न मम)

अ॒ग्ने॑ अ॒ङ्गिरः॑ श॒तं ते॑ स॒न्त्वावृ॑तः स॒हस्रं॑ त उपा॒वृ॒तः। तासां॑ पोष॒स्य पोषे॑ण॒ पुन॑र्नो नृ॒ष्टमा॑
कृ॒धि पुन॑र्नो र॒यिमा॑ कृ॒धि स्वाहा॑॥६॥

(अग्नये अभ्यावर्तिन इदं न मम)

पुन॑र॒र्जा नि वर्त॑स्व पुन॑र॒ग्न इ॒षायु॑षा। पुन॑र्नः पाहि वि॒श्वतः॑ स्वाहा॑॥७॥

(अग्नये अभ्यावर्तिन इदं न मम)

सह रय्या नि वर्तस्वाग्ने पिन्वस्व धारया। विश्वप्स्विंया विश्वतस्परि स्वाहा॥८॥
(अग्नये अभ्यावर्तिन इदं न मम)

॥ उपस्थान-मन्त्राः ॥

(तैत्तिरीयारण्यकम् २-६)

वैश्वानराय प्रतिवेदयामो यदीनृणः सङ्गरो देवतांसु। स एतान्पाशान् प्रमुचन् प्रवेद
स नो मुञ्चातु दुरितादवद्यात्। वैश्वानरः पवयान्नः पवित्रैर्यत्सङ्गरमभिधावाभ्याशाम्।
अनाजानन्मनसा याचमानो यदत्रैनो अब तथ्सुवामि। अमी ये सुभगे दिवि विचृतौ नाम
तारके। प्रेहामृतस्य यच्छतामेतद्वद्धकमोचनम्। विजिहीर्ष्व लोकान्कृधि बन्धान्मुञ्चासि
बद्धकम्। योनेरिव प्रच्युतो गर्भः सर्वान् पथो अनुष्व। स प्रजानन्प्रतिगृणीत विद्वान्प्रजापतिः
प्रथमजा ऋतस्य। अस्माभिर्दत्तं जरसः परस्तादच्छिन्नं तन्तुमनुसञ्चरेम॥९॥

तत् तन्तुमन्वेके अनु सञ्चरन्ति येषां दत्तं पित्र्यमायनवत्। अबन्ध्वेके ददतः प्रयच्छाद्वातुं
चेच्छुक्रवाः सः स्वर्ग एषाम्। आरभेथामनु सः रभेथाः समानं पन्थामवथो घृतेन। यद्वा पूर्तं
परिविष्टं यदग्नौ तस्मै गोत्रायेह जायापती सः रभेथाम्। यदन्तरिक्षं पृथिवीमुत द्यां यन्मातरं
पितरं वा जिहिः सिमा। अग्निर्मा तस्मादेनसो गार्हपत्य उन्नो नेषदुरिता यानि चकृम।
भूमिर्माताऽदितिर्नो जनित्रं भ्राताऽन्तरिक्षमभिः शस्त एनः। द्यौर्नः पिता पितृयाच्छं भवासि
जामि मित्वा मा विविध्सि लोकात्। यत्र सुहार्दः सुकृतो मदन्ते विहाय रोगं तन्वा(१)ः
स्वायाम्। अश्लोणाङ्गैरहुताः स्वर्गे तत्र पश्येम पितरं च पुत्रम्। यदन्नमद्व्यनृतेन देवा
दास्यन्नदास्यन्नुत वा करिष्यन्। यद्देवानां चक्षुष्यागो अस्ति यदेव किं च प्रतिजग्राहमग्निर्मा
तस्मादनृणं कृणोतु। यदन्नमद्वि बहुधा विरूपं वासो हिरण्यमुत गाम्जामविम्। यद्देवानां
चक्षुष्यागो अस्ति यदेव किं च प्रतिजग्राहमग्निर्मा तस्मादनृणं कृणोतु। यन्मया मनसा
वाचा कृतमेनः कदाचन। सर्वस्मात्तस्मान्मेळितो मोग्धि त्वः हि वेत्थ यथातथम्॥